

কুর'আন হাদিসের আলোকে

সূনী হজ্জ্ব ও উমরা গাইড

লেখকঃ

মুফতী নূরুল আরেফিন রেজবী আযহারী

YaNabi.in

কুর'আন হাদিসের আলোকে

সূনী হজ্জ্ব ও উমরা গাইড

লেখকঃ

মুফতী নূরুল আরেফিন রেজবী আযহারী

YaNabi.in



কোরান ও হাদিসের আলোকে
সুন্নী হজ্জ ও উমরাহ গাইড

লেখক
মুফতী নূরুল আরেফিন রেজবী আযহারী

পরিবেশনা
রেজা মেমোরিয়াল স্ট্রাস্ট
৯১৪৩০৭৮৫৪৩, ৯১৫৩৬৩০১২১

—ভূমিকা—

আল্লাহর নিমিত্তে সমস্ত প্রশংসা যিনি সম্মানিত কাবাঘর কে মানুষের মিলনকেন্দ্র ও নিরাপদ স্থানে পরিণত করেছেন। অগণিত দরুদও সালাম আমাদের আক্কা তথা শেষ নাবী সাল্লাল্লাহু আলাইহি ওয়া সাল্লামার উপর যিনি সমস্ত সৃষ্টি জগতের মধ্যে শ্রেষ্ঠ এবং যাঁর সদকায় আল্লাহর পবিত্র কাবা ঘরকে আমাদের ক্বীবলা বানিয়েছেন, হজ্বের ন্যয় এক মহৎ ফরয প্রদান করেছেন। হজ্ব হল ইসলামের একটি গুরুত্বপূর্ণ ফরয। আর এই ফরয আদায় করার জন্য সঠিক নিয়মাবলী সম্পর্কে জ্ঞাত হওয়ার প্রয়োজন হয়। বাংলা ভাষায় তেমন কোন সঠিক পুস্তক আমার চোখে পড়েনি যা হাজী সাহেবদেরকে হজ্ব সম্পর্কে সঠিক তথ্য প্রদান করবে। বাংলীদের কথা মাথায় রেখে খুব কম সময়ের মধ্যে মহান রব্বুল আলামীনের দয়ায় হজ্ব ও উমরাহ গাইড পুস্তকটি প্রণয়ন করলাম। আশা করি বাংলা ভাষাভাষী মানুষেরা এটি পড়ে উপকৃত হবেন। দ্রুত টাইপ করার কারণে হয়ত কোন ভ্রুটি থেকে যেতে পারে। পাঠকদের নিকট অনুরোধ মারাত্মক কোন ভ্রুটি নজরে এলে অবশ্যই অবগত করাবেন। আল্লাহ পাক আমাকে ও আপনাদের দুনিয়া-আখিরাতে কামিয়াব করুন। (আমীন বে-জাহে সাইয়েদিল মুরসালিন)

ফক্বীর নুরুল আরাফিন রেজবী

জিলকদ , ১৪৪০ হিজরী, আগস্ট ২০১৮

উৎসর্গ

ইমামে আযাম হযরাত আবু হানিফা ও গাওসে আযাম
রাডিয়াল্লাহু আনহুমা নামে।

তৎসহ

সমস্ত মোমিন-মুমিনাত, মুসলিম-মুসলিমাত দেব রুহের
মাগফেরাতের উদ্দেশ্যে
(আমীন বে-জাহে সাইয়েদিল মুরসালিন)

সূচীপত্র

| | |
|--|----|
| ১.হজ্জের বর্ণনা | ৪ |
| ২.হজ্জের ফযীলাত | ৪ |
| ৩. হজ্জের প্রকারভেদ | ১০ |
| ৪.হজ্জ ফরয হওয়ার জন্য শর্ত | ১০ |
| ৫.হজ্জের আরকান বা ফরযসমূহ | ১১ |
| ৬. হজ্জের ওয়াজিব সমূহ | ১২ |
| ৭.হজ্জের সুন্নাত সমূহ | ১৩ |
| ৮. তালবীয়াহ | ১৪ |
| ৯. হজ্জের বিভিন্ন দিনের কর্মসূচী | ১৬ |
| ১০. মীকাত | ১৮ |
| ১১.ভারত উপমহাদেশের জন্য মীকাত | ১৮ |
| ১২.ইহরাম | ১৯ |
| ১৩.পুরুষদের জন্য ইহরাম | ১৯ |
| ১৪ মহিলাদের জন্য ইহরাম | ১৯ |
| ১৫. ইহরাম বাধার নিয়ম | ১৯ |
| ১৬.ইহরাম অবস্থায় যা যা হারাম | ২০ |
| ১৭. ওকুফ | ২১ |
| ১৮. রমি | ২২ |
| ১৯. ত্বাওয়াফ | ২৩ |
| ২০. ত্বাওয়াফ করার পদ্ধতি | ২৩ |
| ২২.ত্বাওয়াফ করার সময় যে যে বিষয়সমূহ হারাম | ২৫ |

সূচীপত্র

| | |
|--|----|
| ২৩ .ঋতুমতী মহিলার তাওয়াফঃ | ২৬ |
| ২৪. যমযম শরীফের পানি পান করা | ২৬ |
| ২৫. সায়া বা সাফা মারওয়ার চক্র লাগানো | ২৭ |
| ২৬. মাথার মুন্ডন করা | ২৮ |
| ২৭. হজ্জ সম্পর্কিত কয়েকটি মাসায়েলঃ | ২৮ |
| ২৮. পুরুষদের সহিত মহিলাদের হজ্জের পার্থক্য হবেঃ- | ২৯ |
| ২৯. মহিলাদের জন্য মুহরিম থাকা শর্ত | ২৯ |
| ৩০. মক্কা শরীফের ওই সকল স্থান যেখানে দোয়া কবুল হয়ঃ- | ৩০ |
| ৩১ .উমরাহ | ৩১ |
| ৩২. উমরাহর ফযীলাত | ৩১ |
| ৩৩. উমরাহর ফরয সমূহঃ | ৩২ |
| ৩৪. উমরাহের ওয়াজিব সমূহঃ | ৩২ |
| ৩৫.উমরাহ করার সময় | ৩২ |
| ৩৬. উমরাহ করার নিয়ম | ৩২ |
| ৩৭. মাসজিদে আয়েশা হতে উমরা : | ৩৪ |
| ৩৮. হজ্জ ও উমরাহর মধ্যে পার্থক্য | ৩৪ |
| ৩৯.হজ্জের বিধি লংঘন তার বিধানঃ | ৩৫ |
| ৪০.একটি গুরুত্বপূর্ণ মাসয়ালা | ৩৬ |
| ৪১.মদিনা শরীফে হাজিরী | ৩৭ |
| ৪২.রিয়াজুল জান্নাহ তে নামায আদায়ঃ | ৪০ |
| ৪৩.হারাম শরীফ আশপাশের কয়েকটি গুরুত্বপূর্ণ পবিত্র স্থানঃ | ৪১ |
| ৪৪.বিশেষ ঘোষণা | ৪৪ |
| ৪৫.বিশেষ বিজ্ঞপ্তি | ৪৫ |

আবেদন

১৪৩৯ সালে হজ্জের কথা মাথায় রেখে হাজীদের সুবিধার্থে খুব দ্রুত কাজ শেষ করলাম। ত্রুটি থেকে যাওয়া স্বাভাবিক। কোনরূপ ত্রুটি নজরে এলে সরাসরি ফোনের মাধ্যমে জানান। বইটির ইন্টারনেট সংস্করণ প্রকাশ হল। আল্লাহ তৌফিক দিলে মুদ্রণও হয়ে যাবে। ইনশা আল্লাহ ॥

প্রকাশকালঃ-২৩জিলকদ ১৪৩৯; ৬আগষ্ট ২০১৮

نَحْمَدُهُ وَنُصَلِّي وَنُسَلِّمُ عَلَى رَسُولِهِ الْكَرِيمِ

হজ্জের বর্ণনা

হজ্জ হল ইসলামের অন্যতম রুকন ও ইসলামের পঞ্চম স্তম্ভ। এটি একটি ফরয ইবাদত। হজ্জ ওই সব নির্দিষ্ট ক্রিয়ার নাম, যা নির্দিষ্ট সময়ে নির্দিষ্ট দিনে হজ্জের নিয়াতে ইহরাম পরিধান করতঃ আদায় করা হয়। ওই সব ক্রিয়ার মধ্যে মিনা ও আরাফাতের ময়দানে অবস্থান, মুযদালফায় অবস্থান, জুমরাতে পাথর নিক্ষেপ করা, কুরবানী করা, মাথা মুন্ডানো, তাওয়াফে জিয়ারত, সায়ী ও তাওয়াফে আলবিদা বিদ্যমান। হিজরী সনের নবম বছর হজ্জ ফরয হয়। হজ্জ ফরয হওয়া ক্বাতই দলীল দ্বারা সাবস্ত্য এবং এর ফরয হওয়াকে অস্বীকার কারী কাফের। জীবনে একবার আদায় করলেই হজ্জের ফরয আদায় হয়ে যায়।^১

হজ্জের ফযীলাত

১. রসূলে কারীম সাল্লাল্লাহু আলাইহি ওয়া সাল্লামার ইরশাদ করেন যে, হজ্জ ও উমরা করো, যা অভাব ও গুনাহকে এমন দূর করে যে রূপ ভাটি লোহা, চাঁদি, সোনার ময়লা দূর করে।
২. হযরতে আবু হুরায়রারাদিয়াল্লাহু আনহু থেকে বর্ণিত, নাবী কারীম সাল্লাল্লাহু আলাইহি ওয়া সাল্লাম ফরমিয়েছেন, যে ব্যক্তি এ ঘরে আগমন করল এবং কোন অশালীন আচরণ করেনি ও পাপ কাজে লিপ্ত হয়নি সে

১.আলামগিরী ১/২১৬ পৃষ্ঠা, দুররে মুখতার ২/১৮৯ পৃষ্ঠা, রাদ্দুল মুহতার ২/১৮৯; বাহরুর রাইক ২/৩০৭ পৃষ্ঠা; তাবইনুন হাক্বাইক ২/২

ওইরূপ হয়ে ফিরবে যেরূপ ভাবে তার মা তাকে প্রসব করে।^১
৩.হযুরে আকরাম সাল্লাল্লাহু আলাইহি ওয়া সাল্লামার ইরশাদ রয়েছে, হাজী স্বীয় পরিবারবর্গের মধ্যে চার শত জনের জন্য শাফায়াত করবে। আর গুনাহ হতে এরূপ পবিত্র হবে যেরূপ যেন সে আজই মাতৃগর্ভ হতে জন্ম নিল।

৪. ইবনে উমর রাদিয়াল্লাহু আনহু থেকে বর্ণিত,হযুর পাক ইবশাদ করেছেন, আল্লাহর পথে জিহাদ কারী এবং হজ্জ ও উমরা পালনকারীরা আল্লাহর মেহমান। আল্লাহ তায়ালা তাদের আহ্বান করেছেন,তারা সে আহ্বানে সাড়া দিয়েছে। তারা আল্লাহ তায়ালা কাছে যা চাইছে আল্লাহ তাই তার প্রদান করছেন।^২

৫.বর্ণিত হয়েছে,হাজীর মাগফেরাত হয়ে যায় এবং কারও জন্য মাগফেরাতের দোয়া করলে তারও মাগফেরাত হয়ে যায়।

৬. হযরাত আয়েশা রাদিয়াল্লাহু আনহা হতে বর্ণিত, তিনি বলেছেন,হে আল্লাহর রসূল ! আপনি তো জিহাদকে সর্বোত্তম আমল মনে করেন। আমরা নারীরা কি জিহাদ করতে পারব না? উত্তরে হযুর ইরশাদ করলেন, তোমাদের জন্য সর্বোত্তম জেহাদ হল মাবরুর হজ্জ।^৩

৭.আমর ইবনুল আসকে নাবী করীম সাল্লাল্লাহু আলাইহি ওয়া সাল্লাম ফরমিয়েছিলেন,তুমি কি জান না ইসলাম গ্রহণ করলে পূর্বের সব গুণাহ মাফ হয়ে যায়। তদ্রূপ হিজরাত কারীর আগের গুণাহ ক্ষমা করে দেওয়া হয় এবং হজ্জ পালনকারীও পূর্বের গুণাহ থেকে মুক্ত হয়ে যায়।^৪

১.বোখারী শরীফ হাদিস নং ১৫২১,মুসলিম শরীফ হা/৩২৯১

২.ইবনে মাযা ২৮৯৩

৩.বোখারী ও মুসলিম,ফাতহুল বারী৪/১৮৬১

৪.মুসলিম১২১ পৃ

হজ্জের প্রকাবভেদ :

হজ্জ হল তিন প্রকারের :-১.হজ্জে এফরাদ;২.কেরান ও ৩.তামাত্ত

১.হজ্জে ইফরাদ :-ইফরাদ শব্দের অর্থ হল একাকী। শরীয়াতের পরিভাষায় শুধুমাত্র হজ্জের নিয়াতে মীকাত থেকে ইহরাম বেঁধে মক্কা মুকাররমায় পৌঁছে উমরা না করা বরং তাওয়াফে কুদুম (সুন্নাতি তাওয়াফ) করে ইহরাম অবস্থায় হজ্জের জন্য অপেক্ষা করতে থাকা এবং হজ্জের সময় হজ্জ করা।অর্থাৎ এক্ষেত্রে উমরাহকে সংযুক্ত না করা। এ প্রকারের হাজীদেরকে মুফরীদ বলা হয়; তাদের উপর কুরবানী ওয়াজিব নয় বরং মুস্তাহাব। যুবদাতুল মানাসিক ৮৮ পৃ)

২.হজ্জে কেরান :- কেরান শব্দের অর্থ দুটি বিষয়কে একত্রিত করণ করা। শরীয়াতের পরিভাষায় উমরাহ ও হজ্জ উভয়ের জন্য একবারই ইহরাম বেঁধে একই ইহরামে উভয়টি পালন করা। মক্কা মুকাররমায় পৌঁছে প্রথমে উমরা করা,এরপর হালালা হওয়া ব্যতীতই সেই ইহরাম দিয়ে হজ্জের সময় হজ্জ আদায় করা এবং কুরবানী দেওয়া। আদুররুল মুখতার ২/ ৫২৯

৩.হজ্জে তামাত্ত :-তামাত্তুর শাব্দিক অর্থ হল ফায়দা হাসিল করা। শরীয়াতের অর্থে হজ্জ আদায়কারী প্রথমে উমরাহর নিয়াত করে ইহরাম বাধবে,এবং উমরাহ সম্পূর্ণ করে ইহরাম খুলে দেবে। পূণরায় ৮ জিলহজ্জায় হজ্জের নিয়াত করে দ্বিতীয়বার ইহরাম বেঁধে হজ্জের কার্য সম্পাদন করবে এবং কুরবানী দেবে। জামে তিরমিযী ১/১০২ পৃ
বিঃদ্রঃ- উপরের তিন প্রকার হজ্জের মধ্যে সর্বাধিক উত্তম হল হজ্জে কেরান। কিন্তু অধিকাংশ হাজী সহজের জন্য হজ্জে তামাত্ত করে থাকেন।

হজ্জ ফরয হওয়ার জন্য শর্ত

হজ্জ ফরয হওয়ার জন্য শর্ত হল আটটি। এগুলি হলঃ-

১. ইসলাম অর্থাৎ মুসলমান হওয়া;
২. আকীল বা বিবেকসম্পন্ন; ৩. বালিগ; ৪. স্বাধীন হওয়া;
৫. হজ্জের নিধারিত সময়ে হজ্জ করা; ৬. অমুসলিম দেশে ইসলাম গ্রহণকারী ব্যক্তির হজ্জ ইসলামের একটি রুকুন একথা সম্পর্কে জ্ঞাত থাকা;
৭. শারীরিকদিক দিয়ে সুস্থ হওয়া;
৮. সফর খরচের মালিক হওয়া এবং বাহন ব্যবহারে সামর্থ্য থাকা।

হজ্জের আরকান বা ফরয সমূহ

১. হজ্জের নিয়াতে ইহরাম পরিধান করা এবং তালবীয়া পাঠ করা।
 ২. আরাফার ময়দানে ওকুফ বা অবস্থান।
 ৩. ত্বাওয়াফে জিয়ারত।
- বিধুদ্র.ঙ্ক- ২ এবং ৩ কে রুকুন মানা হয়।*
৪. উক্ত চার চক্রের তাওয়াফের নিয়াত করা;
 ৫. তারতীব অর্থাৎ প্রথমে ইহরাম পরিধান পরে আরাফায় অবস্থান এবং পরে ত্বাওয়াফে জিয়ারত।
 ৬. প্রতিটি ফরয নির্দিষ্ট সময়ে হওয়া;
 ৭. আরাফাতের যমীনে অবস্থান করা;
 ৮. ত্বাওয়াফ মাসজিদে হারাম শরীফে হওয়া;
 ৯. ত্বাওয়াফ নির্দিষ্ট সময়ে হওয়া;
 ১০. আরাফায় অবস্থানের পূর্বে ইহরাম অবস্থায় স্ত্রী সন্তোগ হতে বিরত থাকা।*
- মাসয়ালাঙ্ক-উল্লেখিত দশ আরকানের মধ্যে কোন একটি বাদ পড়লে হজ্জ আদায় হবে না।

১. ফাতওয়ায়ে আলামগিরী ১/২৮৩ পৃষ্ঠা

২. নুরুল ইয়া-কিতাবুল হজ্জ ১৬৬ পৃষ্ঠা, হামারা ইসলাম ৯/১৭৭ পৃষ্ঠা

হজ্জের ওয়াজিব সমূহ

১. মিক্বাত হতে ইহরাম বাঁধা
২. সাফা ও মারওয়া মধ্যবর্তী স্থানে দৌড়ানো।
৩. সাফা হতে সায়ী বা দৌড় শুরু করা;
৪. কোন রকম প্রতিবন্ধকতা না থাকলে পায়ে হাঁটা
৫. সায়ী কমপক্ষে ত্বাওয়াফের চার চক্র পর হওয়া;
৬. দিনভাগে আরাফায় অবস্থান কারীদের সূর্য অস্তমিত হওয়ার পযর্ন্ত অপেক্ষা করা।;
৭. ওকুফ বা অবস্থানরত অবস্থায় রাত্রে কিয়দংশ এসে যাওয়া;
৮. আরাফাত হতে প্রত্যাবর্তন কালে ইমামের অনুকরণ করা-অর্থাৎ যতক্ষণ পর্যন্ত ইমাম সেখান থেকে বের না হবে ততক্ষণ অপেক্ষা করা।
৯. মুযদালফায় অবস্থান করা;
১০. মাগরীব ও এশার নামায এশার ওয়াক্তে মুযদালফায় এসে পড়া;
১১. দশ জিলহজ্জায় শুধু যুমরা উরুবায এবং এগারো ও বারো তারিখে তিন জুমরায় কক্ষর নিক্ষেপ করা।
১২. জুমরা উরুবার নিক্ষেপ হলের (মাথা মুড়ানো) পূর্বে হওয়া।
১৩. প্রতিদিন রমি নির্দিষ্ট দিনে হওয়া;
১৪. হলক করা ও তাকসির বা অবাঞ্ছিত লোম কেটে ফেলা;
১৫. হলক ও তাকসির নহরের দিনে হওয়া;
১৬. হারাম শরীফের মধ্যে হওয়া
১৭. কেরান ও তামাত্তু কারীদের কুরবানী করা;
১৮. এই কুরবানী হারামে এবং নহরের দিনে হওয়া; হলকের পূর্বে ও রমীর পর হওয়া;
১৯. ত্বাওয়াফ হাতিমের বাইরে হওয়া;

- ২০.ডানদিক হতে ত্বাওয়াফ করা;
২১. প্রতিবন্ধকতা না থাকলে পায়ে হেঁটে ত্বাওয়াফ করা;
- ২২.ত্বাওয়াফ করার সময় নাপাক হতে পবিত্র থাকা;অর্থাৎ জুনুব ও বিনা ওযুতে না থাকা;
- ২৩.ত্বাওয়াফ করার সময় সতর ঢেকে রাখা;
- ২৪.ত্বাওয়াফের পর দু রাকাত নামায আদায় করা;
- ২৫.ত্বাওয়াফের অধিকাংশ নহরে দিন হওয়া;
- ২৬.রমি জুমার,যাবেহ , হলক ও ত্বাওয়াফ পরপর হওয়া;
- ২৭.ত্বাওয়াফে সদর অর্থাৎ মিকাতের বাইরে অবস্থান কারীদের জন্য রুখসাতের ত্বাওয়াফ করা;
- ২৮.ওকুফে আরাফা হতে মাথা মুভানো পর্যন্ত স্ত্রী-সম্ভোগ না করা;
- ২৯.ইহরাম ভঙ্গন করে যেমন সেলাইকরা কাপড় পরিধান করা,মাথা ঢাকা রাখা প্রভৃতি হতে বিরত থাকা। ১

হজ্জের সুনাত সমূহ :

- ১)হজ্জের নিয়াতে গোসল করা;কিংবা ওজু করা যখন ইহরাম বাঁধার নিয়াত করবে।
- ২) ইহরাম পড়া;অর্থাৎ ইয়ার ও চাদর পরিধান যা নতুন এবং সাদা হবে।
- ৩)খুশবু লাগানো;
- ৪) দুই রাকাত নামায পড়া;
- ৫) তালবীয়া বেশী বেশী পাঠ করা; যখনই পাঠ করা হবে কমপক্ষে তিনবার পাঠ করা;

১.দুররে মুখতার ২০২-২০৪পৃষ্ঠা,আলামগিরী ২১৯ পৃষ্ঠা,বাহর ২/৩০৮পৃষ্ঠা

- ৬) অনুরূপ হযুরে আকরাম সাল্লাল্লাহু আলাইহি ওয়া সাল্লামার উপর বেশী বেশী দরুদ শরীফ পাঠ করা;
- ৭).খানায়ে ক্বাবা যিয়ারত করার সময় বায়তুল্লাহ শরীফের দিকে আল্লাহ আকবার লা ইলাহা ইল্লাল্লাহ পাঠ করা;ও যিয়ারতে বায়তুল্লাহর সময় নিজ পছন্দ মত ভালো দোওয়া চাওয়া কারণ ওই সময় দুওয়া কবুল করা হয়।
- ৮). ত্বাওয়াফে ক্বদুম করা ঃ-মিকাতের বাইরে হতে আগমনকারী সর্বপ্রথম যে তাওয়াফ করে তাকে তাওয়াফে ক্বদুম বলা হয়।
- ৯)প্রতিটি ওই তাওয়াফ যার পর সায়ী করতে হয়,তাতে রমল ও ইজতেবা করা;
- ১০).মায়লাইন আখদারাইন যা সাফা মারওয়ার মধ্যে যেখানে সবুজ খাম্বা রয়েছে (বর্তমানে সবুজ লাইট লাগানো রয়েছে) ,ওই স্থানে পুরুষদের জন্য দ্রুত চলা । মহিলারা নিজেদের সাধারণ গতিতে চলবে;
- ১১) ৯ জিলহজ্জার পূর্বের রাত্রী মিনাতে ফযর পর্যন্ত থাকা;
- ১২) ৯ জিলহজ্জার সূর্যোদয়ের পর আরাফাতে গমন করা;
- ১৩) আরাফাত হতে সফ্যার পরে মুযদালফা রওনা হওয়া;
- ১৪) আরাফাত হতে ফেরার পথে মুযদালফায় রাত অতিবাহিত করা;
- ১৫) মুযদালফা হতে সূর্যোদয়ের পূর্বে মিনাতে রওনা হওয়া;
- ১৬) মিনাতে অবস্থানের সময় রাত্রীও মিনাতে অতিবাহিত করা।
- ১৭) রমি জেমার করার জন্য এমন ভাবে দাঁড়ানো সুনাত যেন মিনা নিজের ডানদিকে এবং মক্কা মুকাররামা বায়ে থাকে।
- ১৮) জামরা আক্ববা. রমির সময় সর্বদা সাওয়ার হয়ে এবং জুমরা

উলা ও জুমরা ওয়াস্তার রমির সময় পায়ে হেঁটে আসা ;

১৯) রমির সময় বতনে ওয়াদিতে দন্ডায়মান হওয়া।

২০) মিনা হতে ফেরার ফতে ক্ষণিকের জন্য মুহাস্সাব' নামক স্থানে অবস্থান করা।

২১) যমযম শরীফের পানি দাঁড়িয়ে কেবলামুখী হয়ে পান করা; পেট ভরে পান করা।

২২) যমযম শরীফের সামান্য পানি মাথায় এবং শরীরে মালিশ করা;

২৩) মুলতায়িমে (ক্বাবার দরজা ও হাজারে আসওয়াদের মধ্যবর্তী স্থান)নিজের বুক ও মুখ রাখা।

২৪).কিছু ক্ষণের জন্য ক্বাবার পর্দাকে স্পর্শ করা।

২৫) বায়তুল্লাহ শরীফের চৌকাঠে চুম্বন করা। ২৬.আদবের সহিত বায়তুল্লাহ শরীফে প্রবেশ করা। ইত্যাদি*

তালবিয়াহ

لَبَّيْكَ اللَّهُمَّ لَبَّيْكَ ، لَبَّيْكَ لَا شَرِيكَ لَكَ لَبَّيْكَ إِنَّ الْحَمْدَ
وَالنُّعْمَةَ لَكَ وَالْمُلْكَ لَا شَرِيكَ لَكَ

উচ্চারণঃ-লাব্বাইকা আল্লাহুম্মা লাব্বাইক,লাব্বাইকা লা শারিকালাকা
লাব্বাইকা ইন্নাল হামদা ওয়ান্ নিমাতা লাকা ওয়াল মুলকা লা
শারিকালাকা।

অর্থঃ-আমি উপস্থিত,হে আল্লাহ ! আমি উপস্থিত ,আমি উপস্থিত তোমার
কোন শরীক নাই আমি হাজির। সমস্ত সৌন্দর্য্য , নেয়ামত ও রাজত্ব
তোমারই। তোমার কোন অংশীদার নাই।

২.নুরুল ইয়া -কেতাবু হজ্জ,

হজ্জের নিয়মাবলী ও বিভিন্নদিনের কর্মসূচী

(হজ্জের প্রথমদিন-----৮ই জিলহজ্জ)

ঃ ইহরামের অবস্থায় মক্কা হতে মিনাতে গমন;

ঃ মিনাতে যোহর ,আসর,মাগরিব ও এশার নামায় আদায় করা;

ঃ মিনাতে রাত্রী অবস্থান করা;

(হজ্জের দ্বিতীয়দিন -----৯ ই জিলহজ্জ)

ঃ মিনাতে ফযরের নামায় আদায় করে আরাফাতের দিকে রওনা
হওয়া;

ঃ আরাফাতের ময়দানে জোহর,আসর আলাদা আলাদা ভাবে নির্দিষ্ট
সময়ে আদায় করা।

ঃ যাওয়ালের (দ্বি-প্রহর) সময় হতে আরাফাতের ময়দানে অবস্থান;
অর্থাৎ ক্বীবলামুখী দন্ডায়মান হয়ে আল্লাহ তায়ালার নিকট দোওয়া
চাওয়া;

ঃ সূর্য অস্তমিত হওয়ার পর মাগরিবের নামায় আদায় না করে
মুযদালফায় রওনা হওয়া;

ঃ মুযদালফায় এশার ওয়াক্তে মাগরীব ও এশার নামায় একসাথে
আদায় করা। (মাগরীবের সুনাত এশার পর আদায় করতে হবে)

ঃ মুযদালফায় রাত্রী অবস্থান করা-মুযদালফায় অবস্থান ফযর উজালা
হওয়া পর্যন্ত।

ঃ মুযদালফা হতে ছোট ছোলার দানার ন্যয় সত্তরটির (৭০) অধিক
কাঁকর সংগ্রহ করা।

(হজ্জের তৃতীয়দিন-----১০ জিলহজ্জ)

ঃ মুযদালফায় ফযরের নামায় ও অবস্থানের পর মিনায় রওনা;

ঃ প্রথমে বড় শয়তানকে ৭ টি কাঁকর মারা
ঃ পুনরায় তামাত্তু ও কেরান হজ্জ পালন কারীদের জন্য কুরবানী করা;
মুফরাদ হজ্জ পালনকারীদের জন্যও শুকরীয়া আদায়ের জন্য উচিৎ
জানোয়ার কুরবানী করা।

ঃ পুনরায় সমস্ত মাথা কামানো;
ঃ এরপর ত্বাওয়াফ, জিয়ারত ও সাযীর উদ্দেশ্যে মক্কা যাওয়া;
ঃ মক্কা হতে ফিরে মিনাতে রাত্রী যাপন করা;

(হজ্জের চতুর্থদিন-----১১ই জিলহজ্জ)

ঃ যদি ত্বাওয়াফ জিয়ারত সম্পূর্ণ না হয়, তাহলে আজ করে নেবে।
ঃ মিনাতে যাওয়ার পরে ছোট শয়তানকে ৭ টি কাঁকর মারা;
ঃ পুনরায় মাঝালি শয়তানকে ৭ টি কাঁকর মারা;
ঃ পুনরায় বড় শয়তানকে ৭টি কাঁকর মারা;
ঃ রাত্রীতে মিনাতে কীয়াম করা;

(হজ্জের পঞ্চমদিন-----১২ই জিলহজ্জ)

ঃ ত্বাওয়াফ জিয়ারত যদি পূর্বে করা না হয় তাহলে আজ সূর্য অস্তমিত
হওয়ার পূর্বেই অবশ্যই করে নেবে। নতুবা দম ওয়াজিব হয়ে যাবে।
ঃ মিনাতে যাওয়ার পরে ছোট শয়তানকে ৭টি কাঁকর মারা;
ঃ পুনরায় মাঝালি শয়তানকে ৭ টি কাঁকর মারা;
ঃ পুনরায় বড় শয়তানকে ৭টি কাঁকর মারা;
ঃ যদি সূর্য অস্ত যাওয়ার পূর্বে মিনা হতে যদি বের হওয়া না হয়
তাহলে মিনাতে রাত্রী যাপন করবে; এবং ১৩ই জিলহজ্জ যাওয়ার
পর পরপর ভাবে শয়তানকে কাঁকর মেরে মক্কা পৌঁছাবে। ১৩ই
জিলহজ্জের পর যতক্ষণ মক্কা শরীফে থাকবে বেশী বেশী ত্বাওয়াফ ও
উমরা করতে থাকবে।

মীকাত

ইহরাম বাঁধার স্থানকে মীকাত বলে। মীকাত হতে হজ্জ ও উমরার নিয়াতে
ইহরাম বাঁধা সূন্নাত। হজ্জ ও উমরার মীকাত হল পাঁচটি।

১) মদীনা বাসীদের জন্য যুলছলাইফা ; যা মদীনা শরীফ হতে প্রায় ১০
কিলোমিটার দক্ষিণ পূর্বে এবং মক্কা শরীফ থেকে উত্তর পশ্চিমে ৪৫০
কিলোমিটার দূরে অবস্থিত।

২) শাম বা সিরিয়া বাসীদের জন্য জুহফা যা মক্কা থেকে উত্তর পশ্চিমে
১৮৩ কি.মি দূরে অবস্থিত।

৩) ইরাক বাসীদের জন্য যাতু ইরক যা মক্কা শরীফ থেকে সোজা উত্তরে
৯৪ কি.মি দূরে অবস্থিত।

৪) নাজদ বাসীদের জন্য কবরানুল মানাযিল যা মক্কা থেকে উত্তর পূর্বে
৭৫ কি.মি দূরে অবস্থিত।

৫) ইয়ামেন বাসীদের জন্য ইয়ালামলাম পাহাড় যা মক্কা শরীফ হতে
সোজা দক্ষিণে ৯২ কি.মি দূরে অবস্থিত।^১

ভারত উপমহাদেশের জন্য মীকাতঃ

ভারত ও অন্যান্য দেশের হাজীরা প্রথমে মদীনা শরীফ হাজিরী দিয়ে
মক্কা শরীফে এলে যুল ছলাইফা ইহরাম বাঁধতে হয়।^২ আর প্রথমে মক্কা
শরীফ গেলে ইয়ালামলাম হল মীকাত।^৩

মাসয়ালান্ন-কোন একটি মীকাত অতিক্রম করে গেলে পরবর্তী মীকাত
হতে ইহরাম বাঁধা জায়েজ কিন্তু তার নিজের মীকাত হল উত্তম।^৪

১. ফাওয়ায়ে আলাসগিরী ১/২৮৫

২. বাহারে শরীয়াত

৩. (ফায়জানে হজ্জ ও উমরাহ ৯১ পৃষ্ঠা)

৪. ফাতওয়া হিন্দিয়া ১/২৮৫ পৃষ্ঠা

ইহরাম

ইহরাম শব্দের আভিধানিক অর্থ হল হারাম বা নিষিদ্ধ করা। হজ্জ ও উমরাহ করার জন্য শর্ত সাপেক্ষে যে কাপড় পরিধান করা হয় তাকে ইহরাম বলে। যার প্রধান চিহ্ন হল দুই খন্ড সিলাই বিহীন সাদা কাপড় পরিধান।

পুরুষদের জন্য ইহরাম

পুরুষদের ইহরাম হল দুটি কাপড়। একটাকে তেহবন্দ এবং অপরটিতে চাদর বলা হয় অর্থাৎ একটি কাপড় লুঙ্গির মতো পরবে আর একটি চাদরের মতো গায়ে জড়াবে।

মহিলাদের জন্য ইহরাম

মহিলাদের জন্য পুরুষদের ন্যায় বিশেষ কাপড়ের প্রয়োজন নেই, ইহরাম হল তাদের পরিধানের ঐ বস্ত্র যা তারা সাধারণত ব্যবহার করে। তারা মুখমন্ডল, কপাল হতে খুতনি পর্যন্ত এবং ডান কানের লতি হতে বাম কানের লতি পর্যন্ত খোলা রাখবে। যখন কোন গায়ের মুহরিম সামনে আসবে তখন কোন কাপড় দ্বারা চেহারা ঢেকে ফেলবে। হাত কজ্জী পর্যন্ত এবং সালোয়ার প্রভৃতি পায়ের গিড়ার তলদেশ পর্যন্ত ঝুলিয়ে রাখা এটাই হল তাদের জন্য ইহরাম। ইহরাম পড়ার পর মহিলাদের জন্য খুশবু ব্যবহার করা জায়েজ নয়। আর অধিক সুগন্ধ যুক্ত সাবান ব্যবহারও সঠিক নয়।

ইহরাম বাঁধার নিয়ম

শরীরের অবাঞ্ছিত লোম সাফ করে, নখ কেটে ভালো করে ওজু-গোসল দ্বারা পবিত্র হয়ে ইহরাম বাঁধবে। কাপড় পরিধান এবং নিয়াতের পূর্বে শরীরে আতর ব্যবহার করা সূনাত; কিন্তু ওই খুশবু যার দাগ লেগে থাকে যেমন মুশক ইত্যাদির ব্যবহার ঠিক নয়।

ইহরামের কাপড় পরার পর মাথা ঢেকে দুই রাকায়ত নফল নামায এভাবে পড়বে প্রথম রাকায়তে সূরা ফাতেহার সহিত সূরা কাফিরুন এবং দ্বিতীয় রাকায়তে সূরা ফাতেহার পর সূরা এখলাস পড়তে হবে। এবার মাথা থেকে কাপড় সরিয়ে এরূপ নিয়াত করতে হবে-

اللَّهُمَّ إِنِّي أُرِيدُ الْعُمْرَةَ فَيَسِّرْهَا وَتَقَبَّلْهَا مِنِّي نَوَيْتُ
الْعُمْرَةَ مُخْلِصًا لِلَّهِ تَعَالَى

আল্লাহুম্মা ইন্নি উরিদুল উমরাতা ফাইয়াস্ সিরহা লি ওয়া তাক্বালহা হা মিন্নি নাওয়াতুল উমরাতা মুখলিসাল লিল্লাহি তায়ালা।

অনুবাদধ্ব- হে, আল্লাহ আমি উমরাহর নিয়াত করছি। আমার জন্য এটা সহজ করে দাও, আমার পক্ষ হতে এটা কবুল করে নাও। একমাত্র আল্লাহর জন্যই নিয়াত করলাম।

ইহরাম অবস্থায় যা যা হারামঃ-

- ১) পুরুষদের জন্য সেলাইযুক্ত যে কোন কাপড় বা জুতা ব্যবহার,
- ২) পায়ের পাতার হাড়ের উপরের অংশ ঢেকে যায় এমন জুতা পরা।
- ৩) ভূ-পৃষ্ঠের কোন জানোয়ার শিকার করা;
- ৪) চেহারাকে কাপড় দ্বারা এরূপ আবৃত করা যার দ্বারা ওই কাপড় চেহারা স্পর্শ করে;
- ৫) খুশবু সাবান ব্যবহার করা;
- ৬) খুশবু লাগানো, খুশবু দার বস্ত্র ভক্ষণ করা। যেমন এলাচি, লং প্রভৃতি।
- ৭) যে স্থানে খুশবু লাগানো আথে সেই স্থান স্পর্শ করা; ফুলের হার পরিধান করা।
- ৮) শরীরের কোনও অংশের চুল কাটা বা তুলে ফেলা।

- ৯) নখকাটা;
১০) যৌন উত্তেজনা মূলক কোন আচরণ বা কোন কথা বলা।
১১) ঘ্রানযুক্ত তেল ব্যবহার করা।
১২) ঝগড়া বিবাদ বা যুদ্ধ করা।
১৩) উকুন, ছারপোকা, মশা ও মাছিসহ কোন জীবজন্তু হত্যা করা বা মারা।

মাসয়ালাঃ-পুরুষেরা ইহরামের উপর পটি ব্যবহার করতে পারবে। থলি কাধের উপর লটকানো বৈধ। প্রয়োজনে পুরুষেরা মাথার উপর বোঝা চাপতে পারবে।

মাসয়ালাঃ-প্রয়োজনে নাক মুখ পরিষ্কারের জন্য রুমাল ব্যবহার বৈধ। মাসয়ালাঃ-মক্কার বাইরে লোকেদের জন্য ইহরাম ব্যতীত মক্কায় প্রবেশ জায়েজ নয়।*

ওকুফ

হজ্জ সম্পাদন ক্রমে মক্কার অদূরবর্তী বিভিন্ন স্থানে অবস্থান করাকে বলা হয় ওকুফ। যে তিনটি স্থানে ওকুফ করতে হয় সেগুলি হল মিনা, আরাফাত, এবং মুযদালফা। ৮ই জিলহজ্জ তারিখে ইহরাম পরিহিত অবস্থায় মক্কা হতে ৩-৪ কিলোমিটার দূরে মিনায় চলে যেতে হয়। হাজীরা জোহরের ওয়াক্তের আগেই মিনাতে পৌঁছানোর চেষ্টা করেন। পরবর্তীদিন ফযরের নামায পড়া পর্যন্ত মিনায় ওকুফ বা অবস্থান করতে হয়। এসময়ের কাজ হল জামাতে নামায পড়া, জিকিরে মশগুল থাকা ও কোরআন তেলায়াৎ করা। পরের দিন আরাফার মাঠে ওকুফ। জিলহজ্জের নবম দিন হল ইয়াওমে আরাফা বা আরাফার দিন। এদিন মাসজিদে নামিরাতে খুৎবা

১.ফাতওয়ায়ে হিন্দিয়া ১/২৮৩ পৃষ্ঠা

প্রদান করা হয়। মাগরীবের আযান হওয়ার সঙ্গে সঙ্গে নামায না পড়েই মুযদালফার উদ্দেশ্যে রওনা হতে হয়। মুযদালফায় পৌঁছে এক আযান ও দুই ইকামতে পরপর মাগরীবে ও এশার নামায আদায় করতে হবে। মুযদালফায় সারা রাত আকাশের নিচে কাটাতে হয়। এ হল মুযদালফায় ওকুফ।

রমি বা শয়তানকে কংকর নিষ্ক্ষেপঃ

মিনার পূর্ব প্রান্তে অবস্থিত জামরাহ নামক স্থানে তিনটি খুটিতে পর-পর তিনদিন কংকর নিষ্ক্ষেপ করা হজ্জের আবশ্যিকীয় অঙ্গ। প্রতি খুটিতে ৭টি করে কংকর নিষ্ক্ষেপ করতে হয়। ১০ম জিলহজ্জ তারিখে অর্থাৎ মুযদালফায় রাত্রি যাপনের পর দিন কংকর নিষ্ক্ষেপের প্রথম দিন। এদিন শুধু একটি খুটিতেই(বড় শয়তানকে) ৭টি কংকর নিষ্ক্ষেপ করতে হয়। ১১ এবং ১২ জিলহজ্জ কংকর নিষ্ক্ষেপের দ্বিতীয় এবং তৃতীয় দিবস। এই দুদিনে পর পর তিনটি খুটিতে ৭টি করে কংকর নিষ্ক্ষেপ করতে হয়। ধারাবাহিক ভাবে প্রথমে ছোট শয়তান, পরে মেঝো শয়তান এবং শেষে বড় শয়তানকে কংকর মারতে হয়।

সংগ্রহ করুন

সুনী বায়ান বা তোহফায়ে রমযান

লেখকঃ -নূরুল আরাফিন রেজবী

ও

সিহায়ে সিন্তাহ ও আক্বায়েদে আহলে সুনাত

অনুবাদকঃ -মুফতী সাফাউদ্দিন আশরাফী

ত্বাওয়াফ

ক্বাবা শরীফের দক্ষিণ-পূর্ব দিক থেকে শুরু করে একাদিক্রমে ৭বার ক্বাবা শরীফ প্রদক্ষিণ করাকে বলে ত্বাওয়াফ। এটি হজ্জের একটি অপরিহার্য অংশ।

ত্বাওয়াফ করার ফযীলাত সম্পর্কে হাদিস সমূহ--

১. উম্মুল মুমিনিন হযরাত আয়েশা সিদ্দিকা রাদিয়াল্লাহু আনহা বর্ণনা করেন যে, যখন নবী কারিম সাল্লাল্লাহু আলাইহি ওয়া সাল্লাম হজ্জের উদ্দেশ্যে মক্কা শরীফে তাশরীফ নিয়ে আসতেন, তখন সকল কার্যের পূর্বে বায়তুল্লাহ শরীফের ত্বাওয়াফ করতেন।

হাদিস নং -২ -হযরাত জাবের রাদিয়াল্লাহু আনহু হতে বর্ণিত, রাসুলুল্লাহ সাল্লাল্লাহু আলাইহি ওয়া সাল্লাম যখন মক্কা শরীফে তাশরীফ নিয়ে আসতেন, তখন হাজারে আসওয়াদের নিকট এসে তাতে চুমু দিতেন। পুনরায় ডান হাতের দিকে চলতেন। তিন চক্রে (প্রথম) রমল করতেন। হাদিস নং-৩৬ ইমাম তিরমীযি, ইবনে আব্বাস রাদিয়াল্লাহু হতে বর্ণনা করেন, হযুরে আব্বাস সাল্লাল্লাহু আলাইহি ওয়া সাল্লাম বর্ণনা করেছেন-যে পঞ্চাশ বার ত্বাওয়াফ করল সে গুনাহ হতে এমনই পবিত্র হল যে সেবেমাত্র ভূমিষ্ট হল।

মাতাফ : ক্বাবাঘরের চারদিকে ত্বাওয়াফের স্থানকে মাতাফ বলা হয়।

ত্বাওয়াফ করার পদ্ধতি

ক্বাবা শরীফের কাছে পৌঁছে হাজারে আসওয়াদের নিকটে আসতে হবে। এখান থেকে ত্বাওয়াফ শুরু করে সাত চক্রে লাগাতে হবে। এর পদ্ধতি হল এরূপ :-

১. হাজারে আসওয়াদের নিকট এভাবে দাঁড়াতে হবে যেন ডান কাঁধ হাজারে আসওয়াদের বাম দিকে থাকে।
২. ত্বাওয়াফের পূর্বে পুরুষদের জন্য প্রয়োজন হল ইজতেবা করা অর্থাৎ ইহরামের চাদর ডান বগলের নিচে দিয়ে বের করে দুইকিনারা বাম কাঁধে রাখা এবং ডান কাঁধ খোলা রাখা। ত্বাওয়াফের প্রতিটি চক্রে ডান কাঁধ খোলা থাকবে। ত্বাওয়াফ শুরু করার পূর্বে এরূপ নিয়ত করতে হবে।

اللَّهُمَّ إِنِّي أُرِيدُ طَوَافَ بَيْتِكَ الْمُحَرَّمَ فَيَسِّرْهُ لِي
وَ تَقَبَّلْهُ مِنِّي

উচ্চারণ-আল্লাহুম্মা ইন্নি উরিদু ত্বায়াফা বাইতিকাল্ মুহাররাম ফা ইয়াসসিরত্বলি ওয়া তাক্বাবালত্ব মিন্নি।

অর্থ- হে আল্লাহ ! আমি আপনার সম্মানিত ঘরের ত্বাওয়াফ করার মনস্থ করছি, এটা আমার জন্য সহজ করে দাও। আমার পক্ষ থেকে কবুল নেন।

৩. হাজারে আসওয়াদের চুম্বন করা সম্ভব হলে করবে, নতুবা ইসতেলাম করবে এভাবে হাজারে আসওয়াদে হাত লাগিয়ে নিজ হাতকেই চুম্বন করবে। এভাবেই যদি সম্ভব না হয় তাহলে হাতের চেটো হাজারে আসওয়াদের দিকে করে নিজের হাত কে চুম্বন করতে হবে। চোখ বন্ধ করে ওমরাহ করা সঠিক নয়, চোখ খুলে ওমরাহ করবে এবং প্রতি পদক্ষেপে মোহাব্বতের সবক পড়তে হবে।

৪. প্রথম তিন চক্রে পুরুষেরা রমল করবে অর্থাৎ বীরের ন্যায় ছোট ছোট পা ফেলে সিনা টান করে দুই কাঁধ হিলিয়ে চলবে। মহিলারা রমল না করে সাধারণ ভাবে চলবে।

৫.ত্বাওয়াফের সাত চক্র পুরো করে হযরাত ইব্রাহীম আলাইহিস্ সালামেব রুদম শরীফের (মাক্কাহে ইব্রাহীম) সামনে বায়তুল্লাহ শরীফের দিকে মুখ করে দুই রাকাতাৎ ওয়াজিব নামায আদায় করতে হবে। প্রথম রাকাতাৎতে সুরা ফাতিহার পর সুরা কাফিরুন , দ্বিতীয় রাকাতাৎতে সুরা ফাতিহার পবসুরা এখলাস পড়তে হবে। এরপর নিজের জন্য এবং সবার জন্য দুয়া করবে। অতঃপর খানায়ে ক্বাবার চৌকাঠ ও হাজারে আসওয়াদের মধ্যবর্তী স্থানে হাত উঠিয়ে গিরগিরিয়ে দোয়া করতে হবে। আর এই দুয়া পড়তে হয় :-

يَا مَاجِدُ يَا وَاجِدُ لَا تُزِلْ عَنِّي نِعْمَةً
أَنْعَمْتَهَا عَلَيَّ

উচ্চারণঃ-ইয়া মা-জিদু ইয়া ওয়া-জিদু লা তুযিল আন্নি নেমাতা আনআমতাহা আলাইয়া।

অর্থঃ-হে ক্বাদির ,হে সম্মানিত ! আপনার প্রদত্ত নেয়ামত আমার হতে দূর করো না।

ত্বাওয়াফ করার সময় যে যে বিষয়সমূহ হারাম

- ১.বিনা ওজুতে ত্বাওয়াফ করা
- ২.সতরের অন্তর্ভুক্ত অঙ্গের এক চতুর্থাংশ খোলা রাখা
- ৩.অকারণে সাওয়ারি কিংবা কারও কোলে-কাঁধে চড়ে ত্বাওয়াফ করা
- ৪.অকারণে বসে,হাটু দিয়ে চলা
- ৫.ক্বাবা শরীফকে ডান দিকে রেখে উল্টো দিকে ত্বাওয়াফ করা
- ৬.ত্বাওয়াফের সময় হাতিমের ভিতরদিকে যাওয়া
- ৭.সাত চক্রের কম চক্র লাগানো। (ইরশাদে বারী ১২১ পৃষ্ঠা)

ঋতুমতী মহিলার তাওয়াফঃ

ঋতুমতী মহিলার মেন্স বা শ্রাব চলা অবস্থায় তাওয়াফ করা নিষেধ। তাই পবিত্র হওয়া পর্যন্ত অপেক্ষা করবে। উম্মুল মুমিনিন হযরাত আয়েশা সিদ্দিকা রাদিয়াল্লাহু আনহা বলেন,আমি মক্কায় পৌঁছালাম তখন আমি ঋতু (হায়েয) অবস্থায় ছিলাম। আমি বায়তুল্লাহ শরীফের তাওয়াফ করিনি এবং সাফা মারওয়ার সাযী করিনি। তিনি বলেন,আমি হুযুরের নিকট এবিষয়ে জানতে চাইলাম। হুযুর ইরশাদ করলেন,হাজী যে কাজগুলো করে তুমিও তা করতে পারবে। শুধু বায়তুল্লাহর তাওয়াফ পবিত্র হওয়ার পর করবে।সহীহ বোখারী ১/২২৩

যমযম শরীফের পানি পান করা

মাক্কাহে ইব্রাহীমের পিছনে নামায ও দোয়া শেষ করে বিলম্ব না করে যমযম শরীফের(যা ক্বাবা শরীফ ও সাফা-মারওয়ার মধ্যবর্তী হারাম শরীফের মেঝেতে অবস্থিত) নিকট এসে যমযম শরীফের যিয়ারত করবে ও পান ভরে যমযমের পানি পান করবে এবং সঙ্গে সঙ্গে এই দুয়া পাঠ করবে

اللَّهُمَّ إِنِّي أَسْأَلُكَ عِلْمًا نَافِعًا وَرِزْقًا وَاسِعًا
وَ شِفَاءً مِّنْ كُلِّ دَاءٍ

উচ্চারণঃ-আল্লাহুম্মা ইন্নি আসআলুক্কা ইলমা নাফিয়াও ওয়া রিজকান ওয়া সিআ ওয়া শিফায়াম মিন কুল্লি দাইন।

অর্থঃ-হে আল্লাহ! আমি তোমার কাছে কল্যাণমূলক জ্ঞান, পর্যাণ্ড রুজি এবং সকল অসুস্থতা থেকে পরিত্রান কামনা করি। যমযম শরীফের পানি পান করার পর হাজারে আসওয়াদে চুম্বনদিয়ে সাফা মারওয়া পাহাড় সায়ী করার উদ্দেশ্যে রওনা হতে হবে।

সায়ী বা সাফা মারওয়ার চক্র লাগানো

সাফা মারওয়াতে সাত বার চক্র লাগাতে হয়। সাফা পাহাড়ের কাছে এসে সায়ীর নিয়ত করতে হবে। প্রথমে কাবামুখী হয়ে মহান আল্লাহ তায়ালার প্রশংসার বাণী পড়ে দোয়া চাইতে হবে। এটা দোয়া কবুলের অন্যতম স্থান। দোয়া করার পর মারওয়ার দিকে চলা শুরু করতে হবে। মধ্যস্থলে যেখানে সবুজ আলো লাগানো রয়েছে সেখান থেকে দৌড়ানো শুরু করতে হবে। কিছুদূর যাওয়ার পরই সবুজ রঙ্গের বাতি দিয়ে চিহ্নিত স্থানে গিয়ে দৌড়ানো বন্ধ করে মধ্যম গতিতে অতিক্রম করতে হবে। মহিলারা দৌড়াবে না বরং স্বাভাবিক ভাবে নিজের মত চলবে। মারওয়াতে পৌঁছে কাবা শরীফের দিকে মুখ করে দোয়া করতে হবে। পুনরায় দ্বিতীয় বার দৌড় শুরু করবে। চক্র লাগানোর সময় এই দোয়া গুলি পড়তে হবে :-

اللَّهُمَّ يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ

উচ্চারণঃ-আল্লাহুম্মা ইয়া মুকাল্লিবাল কুলুবি সাব্বিত্ব কলবি আলা দি-নিক।

اللَّهُمَّ إِنِّي أَسْأَلُكَ الْهُدَىٰ وَالتُّقَىٰ وَالْعَفَافَ وَالْغِنَىٰ

উচ্চারণঃ-আল্লাহুম্মা ইন্নি আসআলুকাল হুদা ওয়াত্ তুকা ওয়াল আফাফ

সাত চক্র মারওয়াতে শেষ হবে। সাত শেষে ক্বীবলার দিকে মুখ করে দোয়া করতে হবে। পুনরায় হারাম শরীফে গিয়ে দুই রাকাতনফল আদায় করতে হবে এবং দোয়া করতে হবে। এরপর মাথার মুন্ডাতে হবে।

মাথা মুন্ডন করা

ক্ষুর কিংবা মেশিন দ্বারা পুরো মাথার চুল কামাতে হবে, কিংবা কাঁচি দ্বারা কমপক্ষে পুরো মাথার চতুর্থাংশ চুল কর্তন করতে হবে। মহিলারা নিজেদের চুলের খোঁপা হতে নখ বরাবর চুল কাটবে। পুরুষেরা এরূপ করতে পারবেনা। কারণ কোরানের খেলাফ হবে। যদি আমরা আল্লাহর রাস্তায় নিজেদের চুল কুরবানী না দিতে পারি, তাহলে আর কি জিনিষের কুরবানী দেবো। ওমরাহ তো কুরবানীরই নাম। আর এভাবে ওমরাহর কাজ সম্পন্ন হবে। বিশেষ খেয়াল রাখতে হবে ওমরাহ করার সময় না আল্লাহ হতে গাফিল হবে, না আল্লাহর মাহবুব বান্দাদের হতে।

মাসয়ালাঃ-মহিলাদের জন্য মাথা মুন্ডন নিষিদ্ধ। বরং শুধুমাত্র সমস্ত চুলের ঝুটি ধরে এর অগ্রভাগ হতে আঙ্গুলের নখ পরিমাণ চুল নিজের হাতে কেটে ফেলবে। কোন বেগানা পুরুষকে দিয়ে কাটানো নিষিদ্ধ।

হজ্জ সম্পর্কিত কয়েকটি মাসায়েলঃ

- ১) মাসয়ালাঃ- ফরয হজ্জ পিতামাতা আনুগত্য হতে উত্তম, কিন্তু নফল হজ্জ হতে পিতামাতার আনুগত্য উত্তম।^১
- ২) মাসয়ালাঃ- কারও যদি কোন অতিরিক্ত বাড়ি থাকে তাহলে তা বিক্রয় করে হজ্জ আদায় করবে।^২

১.ফাতওয়ায়ে আলাসগিরী ১/২৮৪;আলমুলতাহীত।

২.ফাতওয়ায়ে হিন্দিয়া ১/২৮১ পৃষ্ঠা

পুরুষদের সহিত মহিলাদের হজ্জের ক্ষেত্রে যে যে বিষয়ে পার্থক্য হবেঃ-

হজ্জের সমস্ত কাজই মহিলারা পুরুষদের ন্যয় করবে শুধুমাত্র কয়েকটি ক্ষেত্রে পার্থক্য হবে। সেক্ষেত্রগুলি হলঃ-

১. মহিলারা পুরুষদের ন্যয় মাথা খুলে রাখবেনা;
২. সেলাই করা কাপড় পরিধান করতে পারবে;
৩. তালবীয়ার পাঠ স্কীণ স্বরে করবে। পুরুষদের ন্যয় উচ্চস্বরে পাঠ করবেনা।
৪. পুরুষদের ন্যয় তাওয়াফ করার সময় রমল করবেনা।
৫. হাজারে আসওয়াদ চুম্বনের জন্য পুরুষদের মধ্যে প্রবেশ করবেনা;
৬. সাফা মারওয়ায় চলার সময় পুরুষদের ন্যয় সবুজ খাম্বার মধ্যবর্তীতে দৌঁড়াবেনা।
৭. পুরুষদের ন্যয় মাথা মুন্ডাবেনা বরং খোপা হতে সামান্য পরিমাণ চুল কাটবে।*

মহিলাদের জন্য মুহরিম থাকা শর্ত

নারীর উপর হজ্জ ফরজ হওয়ার জন্য সঙ্গী হিসাবে স্বামী কিংবা কোন মুহরিম (অর্থাৎ যার সাথে বিবাহ হারাম) থাকা শর্ত। কোন পুরুষ মুহরিম ছাড়া ফরজ হোক কিংবা নফল হোক হজ্জ আদায় করার জন্য কোন নারীর সফর জায়েজ নয়।

হাদীসঃ-হুযুরে আকরাম সাল্লাল্লাহু আলাইহি ওয়া সাল্লাম ইরশাদ করেন, কোন নারী মুহরিম পুরুষ ব্যতীত সফর করবে না।*

১. নুর্কুলইয়া ১৮১ পৃষ্ঠা
২. সহীহ বোখারী ১৮৬২, সহীহ মুসলিম ১০৪১

মক্কা শরীফের ওই সকল স্থান যেখানে দোয়া কবুল হয়ঃ-

ওই সকল পনেরটি পবিত্র স্থান যেখানে দোয়া কবুল হয় এবং যেগুলি হয়রাতে হাসান বসরীর রিসালা হতে কামাল ইবনে হুমাম উল্লেখ করেছেন। সেই পবিত্র স্থানগুলি হলঃ-

১. তাওয়াফ করার সময়;
২. মূলতায়িমের সন্নিকটে ;
৩. মিযাবের নিচে ;
৪. বায়তুল্লাহ শরীফে;
৫. যমযম শরীফের নিকটে;
৬. মক্কামে ইব্রাহীমের পিছনে;
৭. সাফা পাহাড়ের উপর;
৮. মারওয়া পাহাড়ের উপর;
৯. সায়ী করার সময়;
১০. আরাফাতে ;
১১. মিনাতে;
১২. প্রথম জুমরার নিকটে;
১৩. দ্বিতীয় জুমরার নিকটে;
১৪. তৃতীয় জুমরার নিকটে;
১৫. চতুর্থদিন রমির সময়।*

এছাড়াও ক্বাবা শরীফ দেখা মাত্রই যে দোওয়া চাওয়া হয় তা কবুল হয়ে থাকে।

১. নুর্কুলইয়া ১৮০ পৃষ্ঠা

উমরাহ

শরীয়ত নির্দেশিত বিশেষ পদ্ধতিতে ইহরাম সহ, কাবা শরীফের চতুর্দিকে তাওয়াফ করা, সাফা ও মারওয়া পাহাড়ের মধ্যস্থলে সায়ী করা এবং মাথা মুড়ানোকে উমরাহ বলে। উমরাহ জীবনে একবার করা আকীল, সাবালোক এবং সুস্থবান মুসলমানের জন্য সুন্নাতে মোয়াক্কাদাহ। আর ওই পরিমাণ অর্থ থাকা প্রয়োজন যা সফরের খরচ এবং ফিরে আসা পর্যন্ত পরিবার বর্গের জন্য যথেষ্ট হয়। ইবাদতের মধ্যে যেরূপ পাঁচ ওয়াক্তের নামায ফরয আর বাকী নফল নামায যত খুশি পড়া যায়, অনুরূপ ফরয হজ্জ জীবনে একবার নির্দিষ্ট সময়ে আদায় করতে হয় আর উমরাহ যত বার খুশি করা যায়। ওমরাহ করতে যাওয়ার সময় অন্তবে দুনিয়ার খেয়াল নিয়ে যাওয়া সঠিক নয়।

উমরাহর ফযীলত

১. সাইয়েদুনা আবু হুরাইরা রাদিয়াল্লাহু আনহু বর্ণনা করেন, হযুর পাক সাল্লাল্লাহু আলাইহি ওয়া সাল্লাম ইরশাদ করেছেন- ‘এক উমরা হতে অপর উমরাহ মধ্যবর্তী গুনাহার কাফফারা হয়ে যায়।’
২. হযরাত উমার বিন ওবাসা থেকে বর্ণিত, হযুর সাল্লাল্লাহু আলাইহি ওয়া সাল্লাম ইরশাদ করেছেন- ‘সবচেয়ে উত্তম ফযীলাত পূর্ণ কাজ হল মাকবুলহজ্জ ও সাওয়াব সম্বলিত উমরাহ।’
৩. হযুর পাক সাল্লাল্লাহু আলাইহি ওয়া সাল্লাম রমযান শরীফের উমরাহ কে নিজের সহিত হজ্জের ন্যায় বলে ঘোষণা করেছেন।

১. বোখারী শরীফ হাদিস নং ১৬৫০, মুসলিম শরীফ হা/১৩৪৯;

৪. সাইয়েদুনা আবু হুরাইরা রাদিয়াল্লাহু আনহু বর্ণনা করেন, হযুর সাল্লাল্লাহু আলাইহি ওয়া সাল্লাম ইরশাদ করেছেন- ‘হজ্জ ও উমরাহ কারীরা হল আল্লাহ তায়ালার জামায়াত, যদি দোয়া চায় তাহলে আল্লাহ তায়ালা দোয়া কবুল করেন। আর যদি বখশিশ চায় তাহলে আল্লাহ তায়ালা বখশিশ প্রদান করেন।’ (বায়হাকী শরীফ)

উমরাহর ফরয সমূহঃ

১. উমরাহর নিয়াতে মিকাত হতে ইহরাম বাঁধা,
২. তালবীয়া পাঠ করা,
৩. কাবা শরীফ তাওয়াফ করা*

উমরাহের ওয়াজিব সমূহঃ

১. সায়ী বা সাফা-মারওয়ার মধ্যে দ্রুত হাঁটা
২. হলক বা মাথার চুল কামানো

উমরাহ করার সময়

উমরাহ সম্পাদনের বিশেষ কোনো সময় সুনির্দিষ্ট নেই। বছরের সব সময়ই উমরাহ করা যায় শুধুমাত্র ৯ জিলহজ্জ হতে ১৩ জিলহজ্জ ব্যতীত। কেবলমাত্র মক্কা শরীফের ওই সব বাসিন্দা যারা হজ্জের নিয়াত করেনি তাদের জন্য ওই সময় ওমরাহ তাদের জন্য বৈধ। হজ্জের সফরেও উমরাহ করা যায়। একই সফরে একাধিক উমরাহ করতেও বাধা নেই। হজ্জের আগেও উমরাহ করা যায় এবং হজ্জের পরও বারবার উমরাহ করা যায়। এ

উমরাহ করার নিয়ম

ওমরাহ করার সহজ নিয়ম হল, প্রথমে গোসল ও ওজু করে নির্দিষ্ট মিকাত

১. ফাতওয়ায়ে হিন্দীর মধ্যে শুধু তাওয়াফকরাকে উমরাহের রুকুন লেখা হয়েছে।

(ইহরামের জন্য নির্ধারিত স্থান) থেকে কিংবা স্বীয় বাসস্থান থেকে হজের মতো ইহরাম বেঁধে নেওয়া। নিযিক ও মাকরুহ কাজ সমূহ থেকে বিরত থেকে পরিপূর্ণ সতর্কতার সঙ্গে নিয়াত ও তালবিয়া পাঠ করতে করতে মক্কা শরীফে প্রবেশ করা। পুরুষেরা উচ্চস্বরে এবং মহিলারা ক্ষীণস্বরে তালবিয়াহ পড়বে। কাবা শরীফ দর্শন না করা পর্যন্ত তালবিয়াহ পড়তে থাকবে। এরপর পবিত্রতার সহিত দোয়া পড়ে বাবুস্ সালাম দিয়ে মাসজিদে হারামে প্রথমে ডান পা রেখে প্রবেশ করতে হবে। কাবা শরীফ দেখা মাত্রই তিনবার আল্লাহ আকবার ও তিনবার লা-ইলাহা ইল্লাল্লাহ বলে নিশ্চয় দোয়াটি পাঠ করতে হবে।

اللَّهُمَّ أَنْتَ السَّلَامُ وَمِنْكَ السَّلَامُ فَحَيِّنَا رَبَّنَا بِالسَّلَامِ

উচ্চারণঃ-আল্লাহুম্মা আনতাস্ সালাম ওয়া মিনকাস্ সালাম ফা হাইয়েনা রাব্বানা বিস্ সালাম।

বি.দ্রঃ-তালবিয়াহ ও দোয়া সমূহ মুখস্ত করে নেওয়া খুবই উত্তম। এরপর কাবা শরীফের তাওয়াফ অর্থাৎ কাবা শরীফের চতুর্দিকে ৭বার ঘূর্ণন করা। তাওয়াফের পরে মাক্কাহে ইব্রাহিম আলাইহিস্ সালামের পিছনে দুই রাকাত সুন্নাত নামায আদায় করা। পূণরায় হাজারে আসওয়াদে ইসতেলামের পর সাফা হতে বের হয়ে সাফা ও মারওয়ার মধ্যবর্তী স্থানে দৌড়াতে হবে। এরপর পুরুষদের মাথা মুশন করতে হবে, মহিলাদের জন্য চুলের অগ্রভাগ থেকে নখ পরিমাণ কাটতে হবে। পরে মাতাফের কিনারায় দুই রাকাত নফল নামায আদায় করতে হবে। এই ভাবে উমরাহর ফরয ও ওয়াজিব সম্পূর্ণ হবে এবং উমরাহ সম্পন্ন হবে। উমরাহ পালনের পদ্ধতি বা নির্দেশনা ধারাবাহিক ভাবে বর্ণনা করা হলঃ-

১. ইহরাম বাঁধা।
২. কাবা শরীফ তাওয়াফ করা (৭বার চক্র পূর্ণ করা)
৩. মাক্কাহে ইব্রাহিমের পিছনে ২ রাকাত সুন্নাত নামায আদায় করা
৪. যমযমের কুপের পানি পান করা।
৫. সাফা ও মারওয়া পাহাড়ে ৭ বার সায়ী করা
৬. মাথা মুশনো বা চুল ছাঁটা

মাসজিদে আয়েশা হতে উমরাহ :

মক্কা মুকাররামায় অবস্থানরত অবস্থায় যখন ইচ্ছা তানইম নামক স্থান অবস্থিত মাসজিদে আয়েশা যাওয়া এবং সেখানে উমরাহর নিয়াতে দুই রাকাত নফল নামায আদায় করে মাসজিদে হারাম শরীফে এসে পূর্বে বর্ণিত নিয়ম অনুযায়ী উমরাহ আদায় করে ইহরাম খুলতে হবে।

হজ্জ ও উমরাহর মধ্যে পার্থক্য

উভয়ই আল্লাহ তায়ালার সন্তুষ্টির জন্য করা হয়। তথাপি উভয়ের মধ্যে কয়েকটি মৌলিক পার্থক্য বিদ্যমান। এগুলি হলঃ-

- ১) হজ্জ ফরয হলে জীবনে একবার আদায় করা বাধ্যতামূলক ; কিন্তু উমরাহ হল নফল যা আদায় করা বাধ্যতামূলক নয়।
- ২) হজ্জ এক নির্দিষ্ট সময়ে আদায় করতে হয় কিন্তু উমরাহ বছরের যে কোন সময়ই করা যায় শুধুমাত্র ৫দিন ব্যতীত।
- ৩) উমরাহর মধ্যে আরাফাত, মিনা ও মুযদালফায় অবস্থান, দুই নামায একসঙ্গে আদায় ও খুৎবার বিধান এবং কুরবানী নেই কিন্তু এগুলি হজ্জের মধ্যে বিদ্যমান।
- ৪) উমরাহ নষ্ট হলে বা নাপাক অবস্থায় তাওয়াফ করলে দম হিসাবে একটা ছাগল বা মেঘ জবাহ করা যথেষ্ট হয় কিন্তু হজ্জে তা যথেষ্ট নয় বরং পূণরায় তা আদায় করতে হয়।

হজ্জের বিধি লংঘন তার বিধানঃ

হজ্জ বা উমরা করার সময় কোনরূপ ত্রুটি হলে তাকে জিনায়া বা হজ্জের বিধি লংঘন বলে। এই বিধি লংঘন দুই ক্ষেত্রে হয়ে থাকে। একটি হল ইহরামের বিধি লংঘন এবং অপরটি হল হারাম শরীফের বিধি লংঘন। এসকল বিধি লংঘনের ক্ষেত্রে শরীয়তের কিছু কিছু বিধান রয়েছে। সংক্ষিপ্ত ভাবে নিম্নে আলোচনা করা হলঃ

১) **দম তথা পশু যাবেহ করা ওয়াজিবঃ**-কোন বালিগ মুহরিম ব্যক্তি শরীরের কোন অঙ্গে সুগন্ধি লাগালে,মাথায় মেহেদীর খেজাব লাগালে,যায়তুন তেল বা এ জাতীয় কিছু মাথায় দিলে ,সেলাই করা কাপড় পরিধান করলে,সারাদিন মাথা ঢেকে থাকলে,নিজের মাথার চারভাগের একভাগ মুন্ডন করলে,শিঙ্গা লাগালে,দুই বগলের যে কোন একটি অথবা নাভির তলদেশের লোম কাটলে,গর্দান কামালে,এক হাত বা এক পায়ের নখ কাটলে, এবং পূর্বে আলোচিত ওয়াজিবের কোন একটি বর্জন করলে। ইত্যাদি।

বিঃদ্রঃ-যদি জুনুবী অবস্থায় তাওয়াফ করে তাহলে বকরী ওয়াজিব হবে। (নুরুল ইয়া)

হুকুমঃ-উপরে বর্ণিত বিষয়গুলির কোন একটির জন্য একটি ছাগল, ভেড়া,দুশ্বা জবাহ করা ওয়াজিব হবে। গরু,মহিষ বা উট হলে তার ৭ভাগের একভাগ দিতে হবে।

২) **অর্ধ সা গম' সাদকা করাঃ**- মুহরিম ব্যক্তি একটি পূর্ণাঙ্গ অঙ্গের

অর্ধ 'সা'গমের সঠিক হিসাবসম্মত- অর্ধ সা ইংরাজী অর্থে ১৭৫.৫০ রুপিয়া, আবার ১ রুপিয়া ও ১১গ্রাম ৬৬৪ মিলি গ্রাম।

সংক্ষেপে এরূপ ভাবে হয়সম্মত-১/২ - ১৭৫.৫০ রুপিয়া (তোলা)

১ রুপিয়া(১তোলা)-১১.৬৬৪ গ্রাম

১৭৫.৫০ রুপিয়া - ২০৪৬.৩৩ গ্রাম বা ২ কিলো ৪৭ গ্রাম (গ্রায়)

চেয়ে কম অংশে সুগন্ধি লাগালে,সেলাইযুক্ত কাপড় পরিধান করলে, একদিনের কম সময় মাথা ঢেকে থাকলে,মাথার এক চতুর্থাংশের কম মুন্ডন করলে,একটি নখ কর্তন করলে, অনুরূপভাবে প্রত্যেকটি নখের বদলায় অর্ধ সা ওয়াজিব হবে,ওযুহীন অবস্থায় তাওয়াফে কুদুম অথবা তাওয়াফে সদর করলে,মুহরিম ব্যক্তি নিজ ব্যতীত অন্য কোন মুহরিম/ হালাল ব্যক্তির মস্তক মুন্ডন করলে,অথবা কারও নখ কেটে দিলে।

হুকুমঃ- এক্ষেত্রে বিধি লংঘনের দরুন অর্ধ সা গম বা তার মূল্য সাদকা করা ওয়াজিব।

৩) **অর্ধ সা গমের কম সাদকা করাঃ**-যে সকল বিধি লংঘনের কারণে অর্ধ সা হতে কম সাদকা ওয়াজিব হয় তা হল,যদি মুহরিম ব্যক্তি কোন ছারপোকা,অথবা ফড়িং মারে। এবং এক্ষেত্রে যতটুকু পরিমাণ ইচ্ছা সাদকা করবে।^১

যে সকল প্রাণী নিধনের কারণে কিছু ওয়াজিব হয় নাঃ
কাক,চিল,বিছে,ইঁদুর,সাপ,পাগলা কুকুর,মশা,মাছি,পিঁপড়ে,ছারপোকা, বানর,কচ্ছপ এবং শিকার নয় এমন কিছু মেরে ফেলার কারণে কিছুই ওয়াজিব হয় না।^২

একটি গুরুত্বপূর্ণ মাসালা

মুহরিম যদি অ-কারণে কোন লংঘন করে তাহলে কাফ্ফারাও ওয়াজিব হবে এবং গুণাহাগারও হবে। সুতরাং এরজন্য তাওবা করা ওয়াজিব, শুধুমাত্র কাফ্ফারা যথেষ্ট হবে না।^৩

১.সুত্রসম্মত-ফাতওয়ায়ে হিন্দিয়া ১/৩০৫-৩০৮-পৃষ্ঠা

১.নুরুল ইয়া

২.বাহারে শরীয়াত ৬ খন্ড

মদিনা শরীফে হাজিরী

‘হাজিও আও শাহানশাহ কা রাওয়া দেখো,
ক্লাবা তো দেখ চুকে ক্লাবে কা ক্লাবা দেখো’

আল্লাহ পাক ইরশাদ করেন, আর যখন তারা নিজেদের উপর জুলুম করে, হে মাহবুব! তাহলে তারা যেন আপনার নিকট হাজির হয়, অতঃপর আল্লাহর কাছে ক্ষমা প্রার্থনা করে এবং রাসুল (সাল্লাল্লাহু আলাইহি ওয়া সাল্লাম) ও তাদের জন্য সুপারিশ করেন তবে অবশ্যই আল্লাহকে অধিক তাওবা কবুল করী ও দয়ালু পাবে।^১

প্রিয়তম আক্কা নবীপাক সাল্লাল্লাহু আলাইহি ওয়া সাল্লামার পবিত্র মাযার শরীফ যিয়ারত করা ইবাদতের মধ্যে গণ্য ও মুস্তাহাব বিষয়ের সমূহের মধ্যে শ্রেষ্ঠতম মুস্তাহাব। বরং সকল ওয়াজিব ইবাদতের নিকটবর্তী গুরুত্বপূর্ণ বিষয়। হযুর পাক সাল্লাল্লাহু আলাইহি ওয়া সাল্লাম এ ব্যাপারে উৎসাহিত করেছেন। হযুর পাক ইরশাদ করেছেন, যে ব্যক্তি সুযোগ পেয়েও আমার সাথে সাক্ষাৎ করল না সে আমার প্রতি জুলুম করল।^২ তিনি আরও ইরশাদ করেন, যে আমার কবর যিয়ারত করল তার জন্য আমার সুপারিশ করা আবশ্যিক হয়ে গেল।^৩ আরও ইরশাদ ফরমান, যে আমার ওফাতের পর আমার সাথে সাক্ষাৎ করল সে যেন জীবদ্দশায়ই আমার সাথে সাক্ষাৎ করল। মুহাজ্জীকদের নিকট এটা স্থিরকৃত বিষয় যে, হযুর পাক সাল্লাল্লাহু আলাইহি ওয়া সাল্লামা সশরীরে জীবিত রয়েছেন। হযুরকে সমস্ত উত্তম স্বাদযুক্ত ও ইবাদত দ্বারা রিয়ক দেওয়া

১. সূরা নেসা

২. বায়হাক্বী ৩৮৬২

হয়ে থাকে। এসম্পর্কে হাদিস ও ফেকাশাস্ত্রের গ্রন্থ গুলিতে এ বিষয়ে প্রচুর নির্দেশনা রয়েছে।

বারগারে রেসালাতে হাজিরী দেওয়া

ইসলামী চিন্তাবিদদের মতে, হাজীদের জন্য মদিনা শরীফ যিয়ারত করা সুন্নাত। অনেকে আবার ওয়াজিবও বলেছেন। মদিনা শরীফে যাবার সময় যাস্তায় দরুদ ও যিকরে মশগুল থাকবে হবে। মদিনা শরীফ যতই নিকটবর্তী হবে ততই মহব্বত ও আগ্রহ অত্যাধিক হবে। মদিনা শরীফ নিকটবর্তী হলে নবীপ্রেমে সিক্ত হৃদয়ে দুই নয়নে অশ্রু ফেলে, মাথা ঝুকিয়ে, দৃষ্টি নিচু করে দরুদ শরীফ পড়তে পড়তে অগ্রসর হতে হবে। হযুরের বারগাহে হাজিরীর পূর্বে গোসল করে সাথে সাথে ওজু ও মেসওয়াক করে নিতে হবে এবং হযুর পাক সাল্লাল্লাহু আলাইহি ওয়া সাল্লামার খিদমতে হাজির হওয়ার সন্মার্খে সুগন্ধি ও সুরমা লাগাবে ও উত্তম কাপড় পরিধান করে নেবে। জন্য শুধু মাত্র রওজায়ে আক্বদাসের নিয়াত করতে হবে। এমনকি ইমাম ইবনে হুমাম রাদিয়াল্লাহু আনহু বলেন, হাজিরীর সময় মাসজিদে নববীরও নিয়াত শরীক না করো। মাসজিদে নববীতে হাজিরী দেওয়ার পূর্বে ঐ সমস্ত কাজ হতে ফারিগ হতে হবে, যার দ্বারা অন্তরে কোনরূপ দুনিয়াবী প্রতিক্রিয়া হয়, এরপর রওজায়ে আক্বদাসের দিকে নম্রতা ও ভদ্রতার সহিত আদব বজায় রেখে যদি সম্ভব হয় তাহলে কাঁদতে কাঁদতে অগ্রসর হতে হবে। আর যদি তা সম্ভব না হয় তাহলে কান্নার ন্যয় মুখ করতে হবে অন্তরে কান্না করে হযুরের দরবারে হাজিরী দিতে হবে। কক্ষণই মাসজিদে নববীতে কোন শব্দ জোর স্বরে বলবেনা। দৃঢ় বিশ্বাস

১. ইলাউস্ সুনান ১০/৩৩২ পৃষ্ঠা, ইবনু হাব্বান, দারু কুতনী

রাখতে হবে যে হযুর পাক সাল্লাল্লাহু আলাইহি ওয়া সাল্লাম প্রকৃতই দুনিয়াবী জিন্দেগীর ন্যায় জীবিত আছেন যেরূপ ওফাত শরীফের পূর্বে জীবিত ছিলেন। রাসূলে পাক সাল্লাল্লাহু আলাইহি ওয়া সাল্লামার চেহারা মোবারাক বরাবর কমপক্ষে চার হাত দূরত্বে দাঁড়াবে। এভাবে যে, হযুরের কৃপাদৃষ্টি তোমাকে দেখছে এবং রসূল পাক সাল্লাল্লাহু আলাইহি ওয়া সাল্লামার কর্ণ মোবারক তোমার কথা শুনতে পাচ্ছে। তিনি তোমার সালামের উত্তর দিচ্ছেন। রওজা মোবারক কে সামনে রেখে বিনয়ের সঙ্গে ভক্তি ও ভালবাসা নিয়ে সালাম পেশ করতে হবে এই বলে আসসালাতু ওয়াস সালামু আলাইকা ইয়া রাসূলান্নাহ সাল্লাল্লাহু আলাইহি ওয়া সাল্লাম এছাড়াও বলবে, হে আমার নেতা ! আপনার প্রতি সালাময হে আল্লাহর নবী আপনার প্রতি সালাম। এরপর দরুদ শরীফ পাঠ করে যা ইচ্ছা বৈধ দোওয়া করবেন। বের হয়ে আসার সময় আদবের সহিত আস্তে আস্তে বের হতে হবে, খেয়াল রাখবে হযুরের মাজার শরীফের দিকে যেন পিঠ না হয়ে যায়। এক হাত ডানদিকে সরে আসতে হবে যেখানে শুয়ে আছেন হযুরের প্রিয় সাহাবী হযরাত আবু বকর সিদ্দীক রাদিয়াল্লাহু আনহু সেখানে এবং আরও একহাত ডানদিকে যেখানে আরাম করছেন হযরাত ওমর ফারুক রাদিয়াল্লাহু আনহু উভয়স্থানে আদবের সহিত সালাম পেশ করতে হবে। অবশেষে এইবলে দোয়া করতে হবে যে, হে আল্লাহ! আমার এই জিয়ারত যেন শেষ জিয়ারত না হয়, বার বার যেন রওজায়ে আকদাস জিয়ারত ও আক্কা মাওলা সাল্লাল্লাহু আলাইহি ওয়া সাল্লামার দিদার নসীব হয়। এরপর জান্নাতুল বাকী কবর স্থানে গমন করবে। এখানে কমবেশী ১০ হাজার সাহাবীয়ে রসূল সাল্লাল্লাহু আলাইহি ওয়া সাল্লামার মাযার রয়েছে সকলের উদ্দেশ্যে সালাম পেশ করবে।

রিয়াজুল জান্নাহ তে নামায আদায়ঃ

রিয়াজুল জান্নাহ প্রবেশ করে মেন্সারের নিকট দুইরাকাত তাইহিয়াতুল মাসজিদের নামায আদায় করবে এবং এমনভাবে দাঁড়াবে যেন মেন্সারের স্তম্ভ ডান কাঁধ বরাবর থাকে কারণ এস্থানটি রাসূলে পাক সাল্লাল্লাহু আলাইহি ওয়া সাল্লামার দন্ডায়মান হওয়ার স্থান। মিন্বার ও হযুরের পবিত্র মাযার শরীফের মধ্যবর্তী স্থান হল রওযাতুন্নিহ রিয়াজুল জান্নাহ। হযুর স্বয়ং এ ব্যাপারে সংবাদ দিয়ে ইরশাদ করেছেন, আমার মিন্বার হাওযের উপর প্রতিষ্ঠিত। সুতরাং তাইহিয়াতুল মাসজিদ ব্যতীত আরও দুই রাকাত নামায পড়ার মাধ্যমে আল্লাহর শুকরীয়া আদায় করবে। আল্লাহ পাক যে তোমাকে এই পবিত্রস্থানে হাজীর হওয়ার তৌফিক দিলেন সে ব্যাপারে। এবং পরিশেষে নিজের জন্য পরিবার পরিজন, আত্মীয়-স্বজন ও সমস্ত মোমিন মোমিনাতের জন্য দোওয়া করবে।

বিশেষ দ্রষ্টব্য

এখানে হজ্জের মৌলিক বিষয়গুলি সহ সংক্ষেপে বর্ণনা করা হল। এগুলি ছাড়াও হজ্জের আরও বহু মাসালা রয়েছে, যেগুলি কোন নির্ভরযোগ্য সুনী আলেমের নিকট হতে জেনে নেওয়া প্রয়োজন।

দোয়া প্রার্থী

আল্লাহ পাক যেন আমার এই ক্ষুদ্র লেখনী কবুল করেন এবং তার ঘরের ও স্বীয় হাবীবের দরবারে বার বার হাজিরী দেওয়ার তৌফিক দেন তার জন্য দোওয়ার আবেদন রইল

হারাম শরীফ ও তার আশপাশের কয়েকটি গুরুত্বপূর্ণ পবিত্র স্থানঃ

মক্কা শরীফের সকল স্থানের জিয়ারতই চক্ষুর প্রশান্তি জোগায়। অনেক সময় সময়ের অভাবে কিংবা অন্যান্য কারণে সব স্থানে পৌঁছানো সম্ভব হয়ে উঠেনা। পরন্তু যে সকল পবিত্র স্থান জিয়ারত করা জরুরী সেগুলি হলঃ-

হাজরে আসওয়াদ বা কালো পাথরঃ-হাজরে আসওয়াদ ক্বাবা শরীফের দক্ষিণ-পূর্ব কোণে মাতাফ থেকে দেড় মিটার ওপরে লাগানো। হাজরে আসওয়াদ তাওয়াফ শুরুর স্থান। প্রতিবার চক্কর দেওয়ার সময় এই হাজরে আসওয়াদে চুম্বন দিতে হয়। আর ভিড়ের কারণে সম্ভব না হলে হাত তুলে ইশারা করলেও চলে।

মাকামে ইব্রাহীমঃ ক্বাবা শরীফের পাশেই আছে ক্রিস্টালের একটা বাস্ক ,চারদিকে লোহার বেষ্টিত। ভেতরে বর্গাকৃতির পবিত্র পাথর। এই পাথর টিই মাকামে ইব্রাহীম। তাওয়াফ শেষ করে মাকামে ইব্রাহীমকে সামনে রেখে দুই রাকাত নামায পড়তে হয়।

মিযাবে রহমতঃ ক্বাবা শরীফের উত্তরদিকে ছাদে (হাতিমের মাঝ বরাবর)যে নালা বসানো আছে ,তাকে মিযাবে রহমত বলা হয়। এই নালা বরাবর ক্বাবা শরীফের ছাদের পানি পড়ে। এটি মদিনা শরীফের দিকে রয়েছে।

হাতিমঃ- ক্বাবা ঘরের উত্তরে অর্ধবৃত্তাকার উঁচু প্রাচীরে ঘেরা একটি স্থান। এক কালে এটি ক্বাবা শরীফেরই অংশ ছিল। অতএব এর ভিতরে নামায পড়লে ক্বাবা শরীফের মধ্যে নামায পড়ার নেকী পাওয়া যায়।

জমজম কূপঃ-দুনিয়াতে যত পরিত্র নিদর্শন বর্তমান তার মধ্যে জমজম হল অন্যতম। হযরাত ইসমাইল আলাইহিস্ সালামের শৈশব অবস্থায়

পবিত্র পায়ের আঘাতে এই পবিত্র কূপের সৃষ্টি হয়। হযুরে আকরাম সাল্লাল্লাহু আলাইহি ওয়া সাল্লাম ইরশাদ করেন,এ পানি শুধু পানীয় নয়; বরং খাদ্যের অংশও এবং এই পানি যে নিয়াতে পান করা হয়,তার পূরণ হয়।

জান্নাতুল মুআল্লাঃ-মাসজিদে হারামের পূর্বদিকে মক্কা শরীফের বিখ্যাত কবরস্থান। এখানে হযরত খাদিজাতুল কুবরা সহ অনেক সাহাবীয়ে রসুলের পবিত্র মাযার রয়েছে।

জাবাল-ই-রহমতঃ-আরাফাতের ময়দানে অবস্থিত। এই পাহাড়েই হযরত আদাম আলাইহিস্ সালামের দোয়া মঞ্জুর হয় এবং হযরাত হাওয়া রাদিয়াল্লাহু আনহার সহিত পূর্ণমিলন ঘটে। হযুরে আকরাম সাল্লাল্লাহু আলাইহি ওয়া সাল্লাম বিদায়ী হজ্জের খোৎবাও এখান থেকে দিয়েছিলেন।

জাবালে নুর বা গারে হেরাঃ- এই পবিত্র পাহাড়েই আক্বা মাওলা সাল্লাল্লাহু আলাইহি ওয়া সাল্লামার উপর সর্বপ্রথম ওহী নাযীল হয়। হযুর সাল্লাল্লাহু আলাইহি ওয়া সাল্লামা এই পাহাড়েই অধিক সময় আল্লাহ পাকের ইবাদতে মগ্ন থাকতেন।

জাবালে সাওর বা গারে সাওরঃ- মাসজিদুল হারামের পশ্চিমে হিজরতের সময় এই পাহাড়েই হযরত সিদ্দিকী আক্বারকে নিয়ে হযুর পাক সাল্লাল্লাহু আলাইহি ওয়া সাল্লাম অবস্থান করেন।

মাসজিদে নবুবীর শরীফের মধ্যে এবং আশপাশের কয়েকটি গুরুত্বপূর্ণ স্থানঃ

রিয়াজুল জান্নাহঃ-হযরাত মোবারক ও মিন্হার শরীফের পাশের পবিত্র স্থানটি হল রওজায়ে জান্নাত বা রিয়াজুল জান্নাত (বেহেশতের বাগান)নামে পরিচিত। এখানে দুই রাকাত তাহিয়াতুল মাসজিদের নামাযপড়তে হয়। দোয়া কবুল হওয়ার জন্য এটি একটি গুরুত্বপূর্ণ স্থান।

জান্নাতুল বাকীঃ-মাসজিদে নবুবীর পাশেই অবস্থিত জান্নাতুল বাকী কবরস্থান। এখানে হযরত ওসমান, মা ফাতেমা,হযরাত আয়েশা সহ প্রায় দশ হাজার সাহাবীয়ে রসুলের পবিত্র মাযার শরীফ বিদ্যমান।

মাসজিদে কুবাঃ-হুযুরে আকরাম সাল্লাল্লাহু আলাইহি ওয়া সাল্লাম মদিনায় আগমন করে সর্ব প্রথম এই কুবা নামক স্থানে নামায আদায় করেন। পরবর্তীতে এখানে মাসজিদ গড়ে ওঠে। হাদিস শরীফে বিদ্যমান যে, ঘর হতে ওজু করে মাসজিদে কুবায় গিয়ে নামায পড়লে একটি ওমরাহর সমান সাওয়াব পাওয়া যায়।

কীবলাতাইন মাসজিদঃ-এ মাসজিদে একই নামায দুই কীবলা মুখী হয়ে সম্পন্ন হয়েছিল। নামায পড়তে দাঁড়িয়ে ওহী পাওয়ার পর নবী সাল্লাল্লাহু আলাইহি ওয়া সাল্লাম মাসজিদে আল-আকসা থেকে মুখ ঘুরিয়ে নামাজের মাঝখানে মক্কা মুখী হয়ে পরবর্তী অংশ সম্পন্ন করেছিলেন, এজন্য এ মাসজিদের নাম হয় কীবলাতাইন। মাসজিদের ভিতরে মূল পুরাতন অংশ অক্ষত রেখে চারদিকে দালান করে মাসজিদ বর্ধিত করা হয়েছে।

মাসজিদে জুমায়ঃ-হুযুরে আকরাম সাল্লাল্লাহু আলাইহি ওয়া সাল্লাম হিজরতের সময় কুবার অদূরে রানুনা উপত্যকায় ১০০ জন সাহাবাকে নিয়ে মাসজিদে জুমার স্থানে প্রথম জুমার সালাত আদায় করেন।

ওহুদ পাহাড়ঃ - ইসলামের ইতিহাসে দ্বিতীয় যুদ্ধ হয়েছিল এই পাহাড়ে। হুযুরের সম্মানিত কয়েকজন সাহাবী এই স্থলে শহীদ হন। শোহাদাদের মধ্যে অন্যতম হলেন সাইয়েদুস সাহাবা হযরাত আমীর হামযা রাদিয়াল্লাহু আনহু। তাঁর পবিত্র মাযার এই পাহাড়ের পাদদেশে অবস্থিত। (আল্লাহুমা সাল্লে আলা সাইয়েদিনা মুহাম্মাদ ওয়া আলা আলিহি ওয়া আসহাবিহি খুসুসান আলা সাইয়েদিস শুহাদায়ে আজমাইন।)

বিশেষ ঘোষণা

বর্তমানে মক্কা ও মদিনা শরীফের ইমামদ্বয় কটুর ওহাবী অতএব তাদের পিছনে নামায পড়া মানে ওহাবীবাদকে সমর্থন করা। কোন মতেই তাদের পিছনে নামায বৈধ হবে না। তাদের জামায়াতের পর নিজে একাকী কিংবা কোন সহী সুনীউল আক্বীদা ইমামের পিছনে নামায পড়ুন। অধিকাংশ ক্ষেত্রে দেখা যায় তাদের জামায়াত দেখে অনেক সুনী আক্বীদা সম্পন্ন লোক তাদের পিছনে নামায পড়ে গুমরাহীর দিকে এগিয়ে যায়। খোদার দোহায় তাদের পিছনে নামায পড়ে ঈমান বরবাদ করবেন না। যারা আল্লাহ ও রসুলের দূশমন তারা ইমাম কিরুপে হতে পারে! তাদের আক্বীদা সম্পর্কে সুনী আলেমদের নিকট জানুন। প্রয়োজন পাঠ করুন জা-আল হাক্ব, বাহারে শরীয়াত, তামহিদে ঈমান, জানে ঈমান, সিহাহে সিভাহ ও আক্বায়েদে আহলে সুনাত, দু-হাতে মুসাফাহ প্রভৃতি পুস্তকগুলি।

লেখক

বিশেষ বিজ্ঞপ্তি

ওহাবী, দেওবন্দী ও অন্যান্য আক্বীদাপোষন কারী মোয়াল্লেমদের সাথে হজ্জ কিংবা উমরাহতে যাওয়া হতে বিরত থাকুন। কারণ এরা সকলেই আল্লাহ ও রসুলের দূশমন। তাছাড়া মক্কা মদিনা শরীফের বহু স্থান জিয়ারত হতে এরা বিরত রাখে। কোনরূপেই এদের সঙ্গে আপোষ করা জায়েজ নয়। সঠিকভাবে হজ্জ ও উমরাহ আদায়ের জন্য সুনী মোয়াল্লেমদের সঙ্গে ধরুন। আল্লাহ পাক আপনাদের সকলকে সুনী মোয়াল্লেমদের সাথে হজ্জ ও উমরাহ পালন করার তৌফিক দান করুন। (আমীন বি বরকাতে সাইয়েদিল মুরসালিন)।

কুরবানী সম্পর্কে মাসলা মাসায়েল
জানতে পাঠ করুন --
= সুনী বাণী বা তোহফায়ে কুরবানী =
লেখকঃ- মুফতী নুরুল আরেফিন রেজবী

লেখকের কলমে প্রকাশিত

১. খাতিমুল মুহাম্মাদীন ।
২. ইলমে গায়ের প্রসঙ্গ ।
৩. তাবলিগী জামায়াত প্রসঙ্গ ।
৪. জানে ঈমান ওরজমা ।
৫. মিলাদুল্লাহী ।
৬. সুনী তোহফা বা নামায়ে মুস্তাফা ।
৭. সুনী বায়ান বা তোহফায়ে রমযান ।
৮. সুনী বাণী বা তোহফায়ে কুরবানী ।
৯. শানে হযরত মুয়াবীয়া রাদিয়াল্লাহু আনহু ।
১০. সাহাবায়ে ক্বেরাম ও আশ্বিন্দায়ে আহলে সুনাত ।
১১. তাহমীদে ঈমান ওরজমা ।
১২. এ যুগের দাজ্জাল জাবীর নামে (সংগৃহীত) ।
১৩. আম্মাপারা সংক্ষিপ্ত টীকা ।
১৪. নুরী নামায শিক্ষা ।
১৫. জাপ্রাণ্ড অবস্থায় জিয়ারতে মুস্তাফা ।
১৬. দোওয়া কিভাবে বসুল হয় ।
১৭. উমরাহ হজ্জের নিয়মাবলী ।
১৮. তাবলিগী জামায়াত মুখোশের অন্তরালে ।
১৯. ছালাকের অবগতি বিধান ।
২০. শূরু জাজুশেরীয়া ।